

## 1952 nr. 100 23. desember

### Lög um íslenskan ríkisborgararétt

Tóku gildi 1. janúar 1953. *Breytt með l. 49/1982 (tóku gildi 1. júní 1982), l. 62/1998 (tóku gildi 1. okt. 1998 nema ákvæði til bráðabirgða sem tók gildi 18. júní 1998), l. 82/1998 (tóku gildi 1. okt. 1998), l. 96/2002 (tóku gildi 1. jan. 2003), l. 9/2003 (tóku gildi 1. júní 2003), l. 81/2007 (tóku gildi 17. apríl 2007 nema 3. tölul. c-liðar 5. gr. sem tók gildi 1. jan. 2009), l. 26/2009 (tóku gildi 1. apríl 2009), l. 65/2010 (tóku gildi 27. júní 2010), l. 162/2010 (tóku gildi 1. jan. 2011), l. 126/2011 (tóku gildi 30. sept. 2011) og l. 40/2012 (tóku gildi 9. júní 2012).*

Ef í lögum þessum er getið um ráðherra eða ráðuneyti án þess að málfnasvið sé tilgrein sérstaklegg eða til þess vísað, er átt við **innanríksráðherra** eða **innanríksráðuneyti** sem fer með lög þessi.

#### [I. kafli. Ríkisborgararéttur við fæðingu o.fl.]<sup>1)</sup>

<sup>1)</sup> L. 81/2007, 1. gr.

##### ■ 1. gr. [Barn öðlast íslenskt ríkisfang við fæðingu:

1. ef móðir þess er íslenskur ríkisborgari,

2. ef faðir þess er íslenskur ríkisborgari og kvæntur móðurinni. Þetta gildir þó ekki ef hjónin voru skilin að borði og sæng á getnaðartíma barnsins.

□ [Ákvæði 2. tölul. 1. mgr. gildir einnig um foreldri barns sem getið er við tæknifrjóvgun, sbr. 1. málsl. 2. mgr. 6. gr. barnalaga.]<sup>2)</sup>

□ Barn, sem fundist hefur hér á landi, telst, þar til annað reynist sannara, vera íslenskur ríkisborgari.]<sup>2)</sup>

<sup>1)</sup> L. 65/2010, 7. gr. <sup>2)</sup> L. 62/1998, 1. gr.

■ 2. gr. [Eignist ógift kona, sem er erlendir ríkisborgari, barn hér á landi öðlast það íslenskan ríkisborgararétt ef karlmaður, sem er íslenskur ríkisborgari, er faðir þess samkvæmt barnalögum.

□ Eignist ógift kona, sem er erlendir ríkisborgari, barn erlendis með karlmanni sem er íslenskur ríkisborgari getur faðirinn, áður en barnið nær 18 ára aldri, óskað þess við [ráðuneytið]<sup>1)</sup> að það öðlist íslenskan ríkisborgararétt, og skal hann hafa samráð við barnið hafi það náð 12 ára aldri. Leggi hann fram fullnægjandi gögn, að mati ráðuneytisins, um barnið og faðerni þess öðlast barnið íslenskan ríkisborgararétt við staðfestingu ráðuneytisins.]<sup>2)</sup>

□ [Ákvæði þessarar greinar gildir einnig um foreldri barns sem getið er við tæknifrjóvgun, sbr. 2. málsl. 2. mgr. 6. gr. barnalaga.]<sup>3)</sup>

□ [Gangi foreldrar barnsins í hjúskap öðlast barnið íslenskan ríkisborgararétt við hjúskapinn ef það hefur eigi gengið í hjúskap og er eigi fullra 18 ára.]<sup>4)</sup>

<sup>1)</sup> L. 126/2011, 26. gr. <sup>2)</sup> L. 62/1998, 2. gr. <sup>3)</sup> L. 65/2010, 8. gr. <sup>4)</sup> L. 81/2007, 2. gr.

■ [2. gr. a. [Erlent barn, sem ættleitt er af íslenskum ríkisborgara, með leyfi íslenskra stjórvalda, öðlast íslenskt ríkisfang við ættleiðinguna ef það er yngra en 12 ára.

□ Erlent barn, yngra en 12 ára, sem ættleitt er af íslenskum ríkisborgara með erlendri ákvörðun, sem íslensk stjórnvöld viðurkenna, öðlast íslenskt ríkisfang við staðfestingu [ráðuneytisins]<sup>1)</sup> að ósk ættleiðanda.]<sup>2)</sup><sup>3)</sup>

<sup>1)</sup> L. 162/2010, 92. gr. <sup>2)</sup> L. 62/1998, 3. gr. <sup>3)</sup> L. 49/1982, 2. gr.

■ 3. gr. [Útlendingur sem hefur átt hér lögheimili og haft hér samfelleda dvöl frá því að hann náði 11 ára aldri, eða frá 13 ára aldri sé hann ríkisfangslaus, öðlast íslenskan ríkisborgararétt með því að tilkynna [ráðuneytinu]<sup>1)</sup> skriflega þá ósk sína eftir að hann hefur náð 18 ára aldri en áður en hann hefur náð 20 ára aldri.]<sup>2)</sup>

<sup>1)</sup> L. 162/2010, 92. gr. <sup>2)</sup> L. 9/2003, 1. gr.

■ 4. gr. Nú hefur einhver, sem öðlast hefur íslenskt ríkisfang við fæðingu og átt hefur hér lögheimili til fullnaðs 18

ára aldurs, misst íslensks ríkisfangs síns, og fær hann þá ríkisfangið að nýju, hafi hann átt hér lögheimili síðustu 2 árin, með því að tilkynna [ráðuneytinu]<sup>1)</sup> skriflega þá ósk sína.

<sup>1)</sup> L. 162/2010, 92. gr. <sup>2)</sup> L. 62/1998, 4. gr.

■ 5. gr. [Fái einhver ríkisfang skv. 3. og 4. gr. öðlast jafnframt ógift börn hans undir 18 ára aldri ríkisfangið, hafi hann forsjá þeirra og þau eigi lögheimili hér á landi.]<sup>1)</sup>

<sup>1)</sup> L. 62/1998, 5. gr.

#### ■ [5. gr. a. . . .]<sup>1)</sup><sup>2)</sup>

<sup>1)</sup> L. 81/2007, 3. gr. <sup>2)</sup> L. 62/1998, 6. gr.

#### [II. kafli. Veiting ríkisborgararéttar með lögum.]<sup>1)</sup>

<sup>1)</sup> L. 81/2007, 4. gr.

##### ■ 6. gr. [Alþingi veitir ríkisborgararétt með lögum.

□ Áður en umsókn um ríkisborgararétt er lögð fyrir Alþingi skal [ráðuneytið]<sup>1)</sup> fá um hana umsögn löggreglustjóra á dvalarstað umsækjanda og [Útlendingastofnunar].<sup>2)</sup>

□ Eigi sá börn sem ríkisborgararétt fær með lögum fer um þau eftir ákvæðum 5. gr., nema löginn láti öðruvísi um mælt.]<sup>3)</sup>

<sup>1)</sup> L. 162/2010, 92. gr. *Þar er vísað í 1. mgr. greinarinnar en augljslega er átt við 2. mgr.* <sup>2)</sup> L. 96/2002, 59. gr. <sup>3)</sup> L. 62/1998, 7. gr.

#### [III. kafli. Veiting ríkisborgararéttar með stjórvaldsákvörðun.]<sup>1)</sup>

<sup>1)</sup> L. 81/2007, 5. gr.

■ [7. gr. Prátt fyrir ákvæði 6. gr. er [ráðherra]<sup>1)</sup> heimilt, að fenginni umsögn lögreglu og Útlendingastofnunar, að veita íslenskan ríkisborgararétt samkvæmt umsókn sem borin er fram af umsækjanda sjálfum eða forsjármönnum hans hafi hann ekki náð 18 ára aldri, enda fullnægi hann skilyrðum 8. og 9. gr.

□ Heimild [ráðherra]<sup>2)</sup> samkvæmt ákvæðum þessa kafla er bundin við þau mál þar sem vafalaust er að umsækjandi uppfylli lögmað skilyrði. Er [ráðherra]<sup>2)</sup> þó ávallt heimilt að vísa umsókn um ríkisborgararétt til ákvörðunar Alþingis sem eftir atvikum veitir umsækjanda ríkisborgararétt með lögum.

□ Ákvárdanir skv. 2. mgr. eru undanþegnar III.–V. kafla stjórnsýslulaga, nr. 37/1993, og upplýsingalögum, nr. 50/1996.]<sup>3)</sup>

<sup>1)</sup> L. 126/2011, 26. gr. <sup>2)</sup> L. 162/2010, 92. gr. <sup>3)</sup> L. 81/2007, 5. gr.

■ [8. gr. Um veitingu íslensks ríkisborgararéttar skv. 1. mgr. 7. gr. gilda eftirtalin búsetuskilyrði:

1. Umsækjandi hafi verið hér búsettur í sjö ár; ríkisborgari í einhverju Norðurlandanna þó einungis í fjögur ár.

2. [Umsækjandi, sem er í hjúskap með íslenskum ríkisborgara og samvistum við hann, hafi verið hér búsettur í þrjú ár frá giftingu, enda hafi makinn haft íslenskan ríkisborgararétt ekki skemur en fimm ár.]<sup>1)</sup>

3. [Umsækjandi, sem er í skráðri sambúð með íslenskum ríkisborgara, hafi verið hér búsettur í fimm ár frá skráningu sambúðarinnar, enda hafi sambúðarmakinn haft ríkisborgararétt ekki skemur en fimm ár.]<sup>1)</sup>

4. Umsækjandi, sem á íslenskan ríkisborgara að öðru foreldri, hafi verið hér búsettur í tvö ár, enda hafi hið íslenska foreldri haft ríkisborgararétt ekki skemur en fimm ár.

5. Umsækjandi, sem verið hefur íslenskur ríkisborgari en hefur gerst erlendir ríkisborgari, hafi verið hér búsettur í eitt ár.

6. Flóttamaður, sem fullnægir skilgreiningu í alþjóðasamningi um stöðu flóttamanna sem gerður var 28. júlí 1951, hafi verið hér búsettur sem slískur í fimm ár. Sama gildir um mann sem fengið hefur dvalarleyfi hér á landi af mannúðarástæðum.

□ Skilyrði 1. mgr. miðast við fasta búsetu og lögheimili og samfellda, löglega dvöl hér á landi síðustu ár áður en umsókn er lögð fram. Heimilt er að víkja frá því skilyrði þótt dvöl umsækjanda hér hafi verið rofin allt að einu ári vegna tíma-bundinnar atvinnu eða af óviðráðanlegum ástæðum, svo sem vegna veikinda nákomins ættingja, en þó allt að þremur árum vegna náms erlendis. Sá tími, sem umsækjandi hefur átt hér lögheimili og dvöl, verður þó að vera að minnsta kosti jafnlangur þeim tíma sem hann verður samkvæmt áðurgreindum reglum að uppfylla.

□ [Umsækjandi skal uppfylla skilyrði þess að fá búsetuleyfi útgefið af Útlendingastofnun og hafa slíkt leyfi þegar sótt er um íslenskan ríkisborgararétt. Þetta gildir þó ekki um umsækjanda sem er undanþeginn skyldu til að hafa dvalarleyfi hér á landi samkvæmt lögum um útlendinga.]<sup>1)</sup>

<sup>1)</sup> L. 40/2012, 1. gr. <sup>2)</sup> L. 81/2007, 5. gr.

■ [9. gr.] Um veitingu íslensks ríkisborgararéttar skv. 1. mgr. 7. gr. gilda að öðru leyti eftirtalin skilyrði:

1. Umsækjandi hafi sannað með fullnægjandi hætti hver hann sé.

2. Umsækjandi sé starfhæfur og vel kynntur og leggi m.a. því til staðfestingar fram álit tveggja valinkunnra íslenskra ríkisborgara.

3. Umsækjandi hafi staðist próf í íslensku samkvæmt kröfum sem [ráðherra]<sup>1)</sup> setur í reglugerð.<sup>2)</sup> Í reglugerð skal jafnframt mælt fyrir um undanþágur frá þessu skilyrði fyrir þá sem telja verður ósanngjarnit að gera þessa kröfu til. [Ráðherra getur falið Námsmatsstofnun eða öðrum sambærilegum aðila að annast undirbúning og framkvæmd prófa og greiðist kostnaður vegna þessa með gjaldi sem ráðherra ákveður.]<sup>3)</sup>

4. Árangurslaust fjármálm hafi ekki verið gert hjá umsækjanda sl. þrjú ár, bú hans tekið til gjaldþrotaskipta eða hann í vanskilum með skattgreiðslur.

5. Umsækjandi geti framfleytt sér hérlandis og hafi ekki þegið framfærslustyrk frá sveitarfélagi sl. þrjú ár. Er umsækjanda skylt að sýna fram á að hann hafi framfært sig með lög- legum hætti hér á landi og er [ráðuneytinu]<sup>1)</sup> heimilt að afla skattframtaла og gagna frá skattyfirvöldum því til staðfestingar.

6. [Umsækjandi hafi ekki, hérlandis eða erlendis, sætt sektum eða fangelsisrefsingu eða eigi ólokið máli í refs- förslukerfinu þar sem hann er grunaður eða sakadur um refs- verða háttsemi samkvæmt íslenskum lögum. Frá þessu má þó víkja að liðnum biðtíma sem hér greinir ef brot eru ekki endurtekin, sekt hefur verið greidd að fullu eða fullnustuð með öðrum hætti og aðrar upplýsingar um umsækjanda mæla ekki gegn því:]

#### Refsing

Sekt lægri en 50.000 kr.

Sekt 50.000–100.000 kr.

Sekt 101.000–200.000 kr.

Sekt 201.000–1.000.000 kr.

Sekt hærri en 1.000.000 kr.

Fangelsi allt að 60 dagar.

#### Biðtími

Enginn biðtími.

Að liðnu einu ári frá því að brot var framið.

Að liðnum tveimur árum frá því að brot var framið.

Að liðnum þremur árum frá því að brot var framið.

Að liðnum fimm árum frá því að brot var framið.

Að liðnum sex árum frá því að refsing var afplánuð eða frá veitingu reynslulausnar.

Fangelsi allt að sex mánuðir.

Fangelsi allt að eitt ár.

Fangelsi meira en eitt ár.

Skilorðsbundinn dómur.

Ákvörðun refsingar frestað

Ákvörðun um skilorð-

bundna ákærufrestun.

Þegar talið er að refsing sé úttekin með gæsluvardhaldi reiknast tíminn frá því að viðkomandi var láttinn laus.

Ef hluti dóms er skilorðsbundinn hefst biðtími þegar afplánun lýkur og miðast hann við lengd óskilorðsbundna dómsins.

Ef umsækjandi hefur einungis sætt sektarrefsingum og samanlöög fjárhæð sekta er lægri en 101.000 kr. er heimilt að veita íslenskan ríkisborgararétt ef aðrar upplýsingar um umsækjanda mæla ekki gegn því, enda sé liðið a.m.k. eitt ár frá því að síðasta brot var framið.

Ef umsækjandi hefur verið dæmdur til að sæta öryggis-gæslu á viðeigandi stofnun er biðtíminn 14 ár frá því að ör-yggisgæslu lýkur.]<sup>4)</sup><sup>5)</sup>

<sup>1)</sup> L. 162/2010, 92. gr. <sup>2)</sup> Rg. 1129/2008. <sup>3)</sup> L. 26/2009, 1. gr. <sup>4)</sup> L. 40/2012, 2. gr. <sup>5)</sup> L. 81/2007, 5. gr.

■ [10. gr.] [Ráðherra]<sup>1)</sup> er einnig heimilt að veita íslenskan ríkisborgararétt barni sem fætt er hér á landi og hefur sannan-lega ekki öðlast annan ríkisborgararétt við fæðingu og hefur ekki öðlast hann né átt rétt til að öðlast hann þegar umsókn um ríkisborgararétt er borin fram. Barnið skal hafa átt lögheimili og samfellda dvöl hér á landi frá fæðingu í að minnsta kosti þrjú ár.

□ Um börn þeirra sem fá ríkisborgararétt samkvæmt þessum kafla gilda ákvæði 5. gr., nema öðruvísi sé ákveðið.<sup>2)</sup>

<sup>1)</sup> L. 162/2010, 92. gr. <sup>2)</sup> L. 81/2007, 5. gr.

■ [11. gr.] Sektur eða fangelsi allt að einu ári liggur við því að veita íslenskum yfirvöldum rangar upplýsingar við umsókn um ríkisborgararétt.]<sup>1)</sup>

<sup>1)</sup> L. 81/2007, 5. gr.

#### [IV. kaffli. Önnur ákvæði.]<sup>1)</sup>

<sup>1)</sup> L. 81/2007, 6. gr.

■ [12. gr.]<sup>1)</sup> Íslenskur ríkisborgari, sem fæddur er erlendis og aldrei hefur átt lögheimili hér á landi né hefur dvalist hér í einhverju skyni, er af megi ráða að hann vilji íslenskur ríkisborgari vera, missir íslensks ríkisfangs þá er hann verður 22 ára. Þó getur [[ráðherra]<sup>2)</sup> leyft, að hann haldi ríkisfangi sínu, ef um það er sótt innan þess tíma. [Hann missir þó ekki íslensks ríkisfangs verði hann við það ríkisfangslaus.]<sup>3)</sup>

□ [Nú missir einhver íslensks ríkisfangs samkvæmt þessari grein og missa þá einnig börn hans íslensks ríkisfangs, sem þau hafa öðlast á grundvelli ríkisfangs hans, nema þau við það verði ríkisfangslaus.]<sup>4)</sup>

□ [[Ráðherra]<sup>2)</sup> úrskurðar hvort fullnægt er skilyrði 1. mgr. um dvöl hér á landi til að halda ríkisfanginu, leiki á því vafí.]<sup>5)</sup>

<sup>1)</sup> L. 81/2007, 5. gr. <sup>2)</sup> L. 162/2010, 92. gr. <sup>3)</sup> L. 62/1998, 9. gr. <sup>4)</sup> L. 49/1982, 6. gr. <sup>5)</sup> L. 9/2003, 3. gr.

■ [13. gr.]<sup>1)</sup> [[Ráðherra]<sup>2)</sup> getur leyst þann sem búsettur er erlendis og er orðinn eða óskar að verða erlendir ríkisborg-

ari undan íslensku ríkisfangi, enda sanni aðili að hann verði innan ákveðins tíma erlendir ríkisborgari, ef hann er ekki þá þegar orðinn það. Eigi hann lögheimili hér á landi verður hann eigi leystur frá íslensku ríkisfangi nema sérstakar ástæður séu til að mati [ráðherra].<sup>2)</sup>

□ Eigi verður þeim neitað um að verða leystur undan ríkisfangi sem er erlendir ríkisborgari og á lögheimili erlendis.<sup>3)</sup>

<sup>1)</sup> L. 81/2007, 5. gr. <sup>2)</sup> L. 162/2010, 92. gr. <sup>3)</sup> L. 9/2003, 4. gr.

...

<sup>1)</sup> L. 81/2007, 5. gr.

■ [[14. gr.]<sup>1)</sup> Ákveða má, með samningi<sup>2)</sup> við Danmörku, Finnland, Noreg og Svíþjóð, að eitt eða fleiri ákvæðanna í A–C hér á eftir, skuli fá gildi. Orðin norrænt samningsríki í greininni eiga við það eða pau ríki, sem gerður er við slíkur samningur.

A. Þegar beitt er 3. gr. skal meta lögheimili í norrænu samningsríki til 16 ára aldurs til jafns við lögheimili hér á landi. Þó skal sá, sem hlut á að máli, hafa átt lögheimili hér á landi síðustu 5 árin, þegar yfirlysing er gefin.

Þegar beitt er 4. gr. skal meta lögheimili í norrænu samningsríki til 12 ára aldurs til jafns við lögheimili hér á landi.

Þegar beitt er [12. gr.]<sup>3)</sup> skal meta lögheimili í norrænu samningsríki í minnst 7 ár til jafns við lögheimili hér á landi.

B. Ríkisborgari í norrænu samningsríki, sem

1. hefur öðlast ríkisborgararétt þar með öðrum hætti en með lögum eða samsvarandi hætti,

2. hefur náð 18 ára aldri,

3. hefur átt lögheimili hér á landi síðustu 7 árin, og

4. hefur ekki á því tímabili verið dæmdur [í fangelsi]<sup>4)</sup> eða til að sæta öryggisgæslu eða hælisvist samkvæmt ákvæðum almennra hegningarlaga, öðlast íslenskt ríkisfang með því að tilkynna [ráðherra]<sup>5)</sup> skriflega þá ósk sína. Ákvæði 5. gr. eiga hér við.

C. Sá sem misst hefur íslensks ríkisfangs, og hefur síðan óslitið verið ríkisborgari í norrænu samningsríki, öðlast ríkisfang að nýju með því að tilkynna [ráðuneytinu]<sup>5)</sup> skriflega þá ósk sína, enda hafi hann þá fengið lögheimili hér á landi. Ákvæði 5. gr. eiga hér við.]<sup>6)</sup>

<sup>1)</sup> L. 81/2007, 5. gr. <sup>2)</sup> Augl. B 468/2000. <sup>3)</sup> L. 81/2007, 7. gr. <sup>4)</sup> L. 82/1998, 151. gr. <sup>5)</sup> L. 162/2010, 92. gr. <sup>6)</sup> L. 49/1982, 9. gr.

■ [15. gr.]<sup>1)</sup> [Ráðherra]<sup>2)</sup> sker úr ágreiningi um það, hvort maður hafi öðlast íslenskan ríkisborgararétt við setningu laga

þessara eða fullnægi skilyrðum til að öðlast íslenskan ríkisborgararétt með því að lýsa ósk sinni þar um. Skjóta má úrskurði um þetta efni undir úrlausn dólmstóla.

□ [Ráðherra]<sup>2)</sup> getur sett nánari reglur um framkvæmd laga þessara.

□ [Yfirlysingu skv. 3. gr., 4. gr. og B- og C-lið [14. gr.]<sup>3)</sup> um að maður óski að verða íslenskur ríkisborgari getur aðeins sá aðili sjálfur gefið en ekki forsjármáður.]<sup>4)</sup>

□ Þar sem eigi er annað ákveðið aldursmark í lögum þessum, skal þeim, sem náð hefur 18 ára aldri, heimilt að gefa yfirlysingu um ríkisborgararétt samkvæmt lögum þessum, án tillits til þess, að hann er háður [forsjá]<sup>5)</sup> annars manns.

<sup>1)</sup> L. 81/2007, 5. gr. <sup>2)</sup> L. 162/2010, 92. gr. <sup>3)</sup> L. 81/2007, 7. gr. <sup>4)</sup> L. 9/2003, 6. gr. <sup>5)</sup> L. 62/1998, 10. gr.

■ [16. gr.]<sup>1)</sup> [Barn sem er fætt eftir 1. júlí 1964 en fyrir 1. júlí 1982 og hefði öðlast íslenskan ríkisborgararétt ef ákvæði 1. tölul. 1. mgr. 1. gr. laga þessara, sbr. lög nr. 49/1982, hefði verið í gildi er það fæddist öðlast íslenskt ríkisfang með því að tilkynna [ráðuneytinu]<sup>2)</sup> skriflega þá ósk sína, enda hafi móðir þess verið íslenskur ríkisborgari við fædingu þess og til 1. júlí 1982.

□ Sá sem óskar að öðlast íslenskt ríkisfang skv. 1. mgr. skal fullnægja ákvæði [12. gr.]<sup>3)</sup> um lögheimili eða dvöl hér á landi fyrir 22 ára aldur.]<sup>4)</sup>

<sup>1)</sup> L. 81/2007, 5. gr. <sup>2)</sup> L. 162/2010, 92. gr. <sup>3)</sup> L. 81/2007, 7. gr. <sup>4)</sup> L. 9/2003, 7. gr.

■ [Ákvæði til bráðabirgða. [Sá sem misst hefur íslenskt ríkisfang samkvæmt upphaflegum ákvæðum 7. gr. laga nr. 100/1952 en hefði haldið því ef greinin hefði verið fallin úr gildi á þeim tíma er hann missti íslenska ríkisfangið getur óskað þess við ráðuneytið að öðlast ríkisfangið að nýju, enda uppfylli hann skilyrði 12. gr. og leggi fram fullnægjandi gögn að mati ráðuneytisins fyrir 1. júlí 2016.

□ Sé viðkomandi undir forsjá annarra skal beiðni borin fram af forsjármanni.

□ Ef sá sem misst hefur íslenskt ríkisfang samkvæmt þessu ákvæði á ógift börn yngri en 18 ára, sem hann hefur forsjá fyrir, öðlast þau einnig ríkisfangið. Hafi barnið náð 12 ára aldri og sé með erlent ríkisfang skal það veita samþykki sitt til að fá íslenskan ríkisborgararétt. Samþykkið skal þó ekki krafist ef barnið er ófært um að veita það sökum andlegrar fötlunar eða annars sambærilegs ástands.]<sup>1)</sup><sup>2)</sup>

<sup>1)</sup> L. 40/2012, 3. gr. <sup>2)</sup> L. 62/1998, 11. gr.